

პროფესიული და უმაღლესი განათლების დარგობრივი საბჭოების ადმინისტრაციული მხარდაჭერისა და შესაძლებლობების გაძლიერების ხელშეწყობის პროგრამის ფარგლებში, საჯარო სამართლის იურიდიული პირი - განათლების ხარისხის განვითარების ეროვნული ცენტრი (შემდგომში - ცენტრი) აცხადებს კონკურსს პროფესიული სტანდარტების და ჩარჩო დოკუმენტების კოორდინატორის შერჩევის მიზნით

კონკურსი ცხადდება 2017 წლის 06 იანვარს და განცხადებების წარდგენის ბოლო ვადაა 2017 წლის 12 იანვარი.

ადგილების რაოდენობა - 1;

კონკურსში მონაწილე კანდიდატმა წერილის სათაურის ველში აუცილებლად უნდა მიუთითოს ვაკანსიის დასახელება „პროფესიული სტანდარტების და ჩარჩო დოკუმენტების კოორდინატორი“, წინააღმდეგ შემთხვევაში არ მოხდება განაცხადის განხილვა.

პროფესიული სტანდარტების და ჩარჩო დოკუმენტების კოორდინატორის თანამდებობის მიმართ დადგინდია შემდეგი საკვალიფიკაციო მოთხოვნები:

ა) ძირითადი მოთხოვნები:

ა.ა) აკადემიური უმაღლესი განათლება - მაგისტრის ან მასთან გათანაბრებული აკადემიური ხარისხი;

ა.ბ) პროფესიული განათლებისა და შესაბამისი კვალიფიკაციების სპეციფიკის ცოდნა;

ა.გ) კომპიუტერული (საოფისე) პროგრამების (Ms. Word, Ms. Excel, Ms. Power Point, Outlook) ცოდნა და ეფექტური პრეზენტაციის უნარები თანამედროვე ტექნოლოგიის გამოყენებით;

ა.დ) ქართული ენის სრულყოფილად ფლობა -(საუბარი, კითხვა, წერა);

ა.ე) ინგლისური ენის კარგად ფლობა (საუბარი, კითხვა, წერა);

ბ) დამატებითი მოთხოვნები:

ბ.ა) პროფესიული განათლების საკითხებთან დაკავშირებული პროგრამების/ პროექტების მართვის და/ან მათში მუშაობის გამოცდილება;

ბ.ბ) პროფესიული საგანმანათლებლო პროგრამების ჩარჩო დოკუმენტებზე მუშაობის გამოცდილება;

ბ.გ) სასაურველია კანდიდატი იცნობდეს პროფესიული განათლების სფეროში მიმდინარე პროცესებს.

პროფესიული სტანდარტების და ჩარჩო დოკუმენტების კოორდინატორის მიერ შესასრულებელი სამუშაოს აღწერა:

ა) ახალი პროფესიული სტანდარტების და ჩარჩო დოკუმენტების შემუშავების პროცესის ორგანიზება და კოორდინაცია;

ბ) პროექტის ფარგლებში დაკონტრაქტებულ ფიზიკურ და იურიდიულ პირებთან თანამშრომლობა;

გ) დაინტერესებული მხარეებისათვის ტრენინგებისა და კონსულტაციების ჩატარების უზრუნველყოფა.

პროფესიული სტანდარტების და ჩარჩო დოკუმენტების კოორდინატორის თანამდებობაზე შერჩეულ პირთან გაფორმდება შრომითი ხელშეკრულება ცენტრის დირექტორის მიერ გადაწყვეტილების მიღებიდან 2017 წლის 31 დეკემბრის ჩათვლით წარმოშობილ შრომით

ურთიერთობებზე და ამ ვადის განმავლობაში მისი შრომის ანაზღაურება განისაზღვრება თვეში 1600 ლარის ოდენობით.

პროფესიული სტანდარტების და ჩარჩო დოკუმენტების კოორდინატორის თანამდებობაზე კონკურსში მონაწილე კანდიდატს მოეთხოვება შემდეგი სამართლებრივი აქტების ცოდნა:

- ა) საქართველოს კანონი „პროფესიული განათლების შესახებ“;
- ბ) „ეროვნული საკვალიფიკაციო ჩარჩოს დამტკიცების შესახებ“ საქართველოს განათლებისა და მეცნიერების მინისტრის 2010 წლის 10 დეკემბერის №120/ნ ბრძანება;
- გ) სსიპ - განათლების ხარისხის განვითარების ეროვნული ცენტრის დირექტორის 2016 წლის 04 აგვისტოს №733 ბრძანება - პროფესიული სტანდარტის, საგანმანათლებლო პროგრამის, ჩარჩო დოკუმენტის და მოდულის შემუშავების წესის დამტკიცების შესახებ;
- დ) სსიპ - განათლების ხარისხის განვითარების ეროვნული ცენტრის დირექტორის 2016 წლის 17 ივნისის №434 ბრძანება - დარგობრივი საბჭოების შექმნისა და საქმიანობის წესის დამტკიცების შესახებ;

პროფესიული დარგობრივი საბჭოების კოორდინატორის კონკურსში მონაწილე კანდიდატი უნდა იცნობდეს დასაქმებისა და განათლების საერთაშორისო კლასიფიკატორებს (ISCO, ISCED).

კონკურსში მონაწილე კანდიდატს უნდა გააჩნდეს შემდეგი პერსონალური უნარები:

- ა) სწრაფი რეაგირების და გადაწყვეტილების მიღების;
- ბ) ანალიტიკური და სისტემური აზროვნების;
- გ) ზეპირი და წერილობითი საქმიანი კომუნიკაციის წარმოების;
- დ) შემჭიდროვებულ ვადებში მუშაობის;
- ე) მოლაპარაკების ეფექტურად წარმართვის;
- ვ) გუნდური მუშაობის, გუნდის შექმნის;
- ზ) მაღალი პასუხისმგებლობის გრძნობა.

კონკურსში მონაწილე კანდიდატმა ცენტრის ოფიციალურ ელექტრონულ ფოსტაზე info@eqe.ge აუცილებლად უნდა გამოგზავნოს:

- ა) განათლების დამადასტურებელი დოკუმენტის ასლი;
- ბ) ავტობიოგრაფია - (CV) ქართულ ენაზე;
- გ) პირადობის დამადასტურებელი დოკუმენტის ასლი.

კონკურსი ჩატარდება 2 ეტაპად:

- ა) განცხადებების გადარჩევა;
- ბ) გასაუბრება.